

復旦國小五年級唐詩背誦（五言律詩）

上學期

五年（ ）班（ ）號 姓名：

認證 ==	1. 詩名：終南別業 作者：王維 中歲頗好道，晚家南山陲。 興來每獨往，勝事空自知。 行到水窮處，坐看雲起時。 偶然值林叟，談笑無還期。	認證 ==	6. 詩名：賦得古原草送別 作者：白居易 離離原上草，一歲一枯榮。 野火燒不盡，春風吹又生。 遠芳侵古道，晴翠接荒城。 又送王孫去，萋萋滿別晴。
認證 ==	2. 詩名：山居秋暝 作者：王維 空山新雨後，天氣晚來秋。 明月松間照，清泉石上流。 竹喧歸浣女，蓮動下漁舟。 隨意春芳歇，王孫自可留。	認證 ==	7. 詩名：旅夜書懷 作者：杜甫 細草微風岸，危檣獨夜舟。 星垂平野闊，月湧大江流。 名豈文章著，官應老病休。 飄飄何所似，天地一沙鷗。
認證 ==	3. 詩名：登岳陽樓 作者：杜甫 昔聞洞庭水，今上岳陽樓。 吳楚東南坼，乾坤日夜浮。 親朋無一字，老病有孤舟。 戎馬關山北，憑軒涕泗流。	認證 ==	8. 詩名：春望 作者：杜甫 國破山河在，城春草木深。 感時花濺淚，恨別鳥驚心。 烽火連三月，家書抵萬金。 白頭搔更短，渾欲不勝簪。
認證 ==	4. 詩名：過故人莊 作者：孟浩然 故人具雞黍，邀我至田家。 綠樹村邊合，青山郭外斜。 開軒面場圃，把酒話桑麻。 待到重陽日，還來就菊花。	認證 ==	9. 詩名：宿桐廬江寄廣陵舊遊 作者：孟浩然 山暝聽猿愁，滄江急夜流。 風鳴兩岸葉，月照一孤舟。 建德非吾土，維揚憶舊遊。 還將兩行淚，遙寄海西頭。
認證 ==	5. 詩名：送友人 作者：李白 青山橫北郭，白水遶東城。 此地一為別，孤蓬萬里征。 浮雲遊子意，落日故人情。 揮手自茲去，蕭蕭班馬鳴。	認證 ==	10. 詩名：夜泊牛渚懷古 作者：李白 牛渚西江夜，青天無片雲。 登舟望秋月，空憶謝將軍。 余亦能高詠，斯人不可聞。 明朝掛帆去，楓葉落紛紛。

復旦國小五年級唐詩背誦（五言律詩）

下學期

五年（ ）班（ ）號 姓名：

<p>認證 ==</p>	<p>11. 詩名：在獄詠蟬 作者：駱賓王 西陸蟬聲唱，南冠客思深。 不堪玄鬢影，來對白頭吟。 露重飛難進，風多響易沉。 無人信高潔，誰為表予心？</p>	<p>認證 ==</p>	<p>16. 詩名：沒蕃故人 作者：張籍 前年戍月支，城下沒全師。 蕃漢斷消息，死生長別離。 無人收廢帳，歸馬識殘旗。 欲祭疑君在，天涯哭此時。</p>
<p>認證 ==</p>	<p>12. 詩名：月夜憶舍弟 作者：杜甫 戍鼓斷人行，邊秋一雁聲； 露從今夜白，月是故鄉明。 有弟皆分散，無家問死生； 寄書長不達，況乃未休兵。</p>	<p>認證 ==</p>	<p>17. 詩名：旅宿 作者：杜牧 旅館無良伴，凝情自悄然。 寒燈思舊事，斷雁警愁眠。 遠夢歸侵曉，家書到隔年。 滄江好煙月，門繫釣魚船。</p>
<p>認證 ==</p>	<p>13. 詩名：別房太尉墓 作者：杜甫 他鄉復行役，駐馬別孤墳。 近淚無乾土，低空有斷雲。 對墓陪謝傅，把劍覓徐君。 惟見林花落，鶯啼送客聞。</p>	<p>認證 ==</p>	<p>18. 詩名：望月懷遠 作者：張九齡 海上生明月，天涯共此時。 情人怨遙夜，竟夕起相思。 滅燭憐光滿，披衣決露滋。 不堪盈手贈，還寢夢佳期。</p>
<p>認證 ==</p>	<p>14. 詩名：渡荊門送別 作者：李白 渡遠荊門外，來從楚國遊。 山隨平野盡，江入大荒流。 月下飛天鏡，雲生結海樓。 仍憐故鄉水，萬里送行舟。</p>	<p>認證 ==</p>	<p>19. 詩名：送杜少府之任蜀州 作者：王勃 城闕輔三秦，風煙望五津， 與君離別意；同是宦遊人。 海內存知己，天涯若比鄰； 無為在歧路，兒女共霑巾。</p>
<p>認證 ==</p>	<p>15. 詩名：贈孟浩然 作者：李白 吾愛孟夫子，風流天下聞； 紅顏棄軒冕，白首臥松雲。 醉月頻中聖，迷花不事君； 高山安可仰？徒此挹清芬。</p>	<p>認證 ==</p>	<p>20. 詩名：淮上喜會梁州故人 作者：韋應物 江漢曾為客，相逢每醉還。 浮雲一別後，流水十年間。 歡笑情如舊，蕭疏鬢已斑。 何因不歸去？淮上有秋山。</p>